



Vanuatu Nasonal Jael Proteksen Polisi 2010-2026

Eksekutif Samari

Vanuatu Nasonal Jael Proteksen Polisi 2016-2026

Long 1992, Gavman blong Ripablik blong Vanuatu i ratifaem Konvensen long Raet blong ol Pikinini blong Unaeted Nesen (UNCRC) we folem Atikol 19 i talem se evri pikinini i gat raet blong oli protektem olgeta akensem evri rabis fasin blong vaelens, abius, eksploetesen mo nogud tritmen.

Gavman i komitim hem long proteksen blong ol pikinini. Nomata i gat progres i bin hapen blong impruvum ol sistem blong proteksen blong ol pikinini long Vanuatu (establismen blong Jael Desk Ofis long Ministri blong Jastis mo Komuniti Sevis (MJCS) long 2009 mo adopsen blong Famili Proteksen Akt long 2008), i gat ol gap i stap spesieli long saed blong ol polisi developmen, regulatori mo legislativ enfosmen, inklusen blong jael proteksen insaed long evri sekta mo long ol strakja blong ol oganaesesen blong provaedem kodineisen mo supevisen.

Ol risej mo stadi we UNICEF, MJCS mo ol narawan i karemaot i no longtaem i pas i bin aedentifaem se ol pikinini long Vanuatu i fesem plante isiu blong jael proteksen we hemi vaelens, abius, eksploetesen mo nogud tritmen.¹ Ol pikinini i eksperiensem ol abius ia long kaos, long ol skul mo plante taem nao long intanet. Antap long hem, ol pikinini i ekspos moa long taem blong ol emejensi we i hapen moa long Vanuatu from ol hae risk blong ol naturol disasta.

Taem we oli faenemaot ol eksisting proteksen mekanisim long Vanuatu, hemia i soem se ol infomol komunitim sistem i pleim wan impoten rol long saed blong jael proteksen mo i nid blong holem taet ol gudfala fasin. Antap long hem, ol fomol jael proteksen sistem i gat bigfala gap mo nid blong fokas long impruvmen mo kapasiti bilding long nasonal level.

Olsem pat long risponsabiliti blong Gavman blong protektem ol pikinini blong Vanuatu, Nasonal Jael Proteksen Polisi i givim wan hae level stratejik fremwok blong kodinetem mo impruvum ol sistem blong jael proteksen raon long Vanuatu mo kontiniu wetem ol eksisting gudfala tradisonol fasin mo ongoing wok we Gavman mo ol non-gavman stekholda i stap mekem.

Polisi i bes mo karem infomeisen long ol eli ripot blong MJCS long jael proteksen: *Jael Proteksen Sistem Mapping eksesaes we oli mekem long 2011 (mo oli apdeitem long 2014) semak olsem ol Polisi Daerektiv mo Aksen Plan long Proteksen blong ol Pikinini blong Vanuatu (2002)*. Polisi i bes tu long Jael Proteksen we i bes long wan stadi risej long 2008, *Protekem Mi wetem Lav mo Kea* (UNICEF) we hemi aedentifaem ol kei proteksen isiu long Vanuatu mo hemi haelaetem ol gap insaed long loa.

¹ For example:

Beverleigh Kanas, Anafia Norton et al, 2008, *Protect Me with Love and Care: Baseline Study Vanuatu 2008* (UNICEF)

Michael Copland and Goimel Soalo, 2011, Mapping Report, Informal and Formal Systems to Protect Children in Vanuatu.

Vanuatu Child Online Protection Assessment Report, 2013.

Vanuatu Women's Centre, 2011, Vanuatu National Survey on Women's Lives and Family Relationships.

Polisi Visen, Gol mo Fremwok

Vanuatu Nasonal Jael Proteksen i luksave ongoing wok blong gavman mo ol sivil sosaeti oganaesesen long saed blong jael proteksen mo tu haelaetem ol gap mo nid blong i gat kodinesen mo impruvmen. Polisi i luksave impoten rol blong *kastom* mo jioj long ol komuniti blong ol Ni-Vanuatu mo mekem se i gat wan balens bitwin fasin blong stanap long ol eksisting kapasiti blong ol infomol sistem ia mo impruvum ol fomol jael proteksen sistem long kaontri.

Oli developem Polisi ia wetem sapot blong sivil sosaeti, ol NGO, ol intenasonal oganaesesen, ol developmen patna, ol ekspet blong jael proteksen mo ol stekholda blong gavman long saed blong loa mo jastis, edukeisen mo ol helt sekta mo plante moa.

Polisi Visen

Wan sef mo sekua sosaeti we ol pikinini blong Vanuatu o ol pikinini we i liv long Vanuatu i fri long evri kaen fasin blong abius, eksploetesen, nogud tritmen mo vaelens i save mekem se oli enjoem laef blong olgeta mo gat wan gud laef nomata long jenda, jioj, ej, wanem ples oli kam long hem, disabiliti, helt blong olgeta mo kaljurol bakraon blong olgeta.

Polisi Gol

Blong krietem wan envaeronmen we ol pikinini i sef mo oli protektem olgeta akensem ol fasin blong abius, eksploetesen, nogud tritmen mo vaelens mo gat wan fea akses long ol sevis blong sapotem reintegresen mo rikavari blong olgeta taem we oli wandem.

Ol Prinsipol blong Folem

Ol 8 prinsipol ia i reinfosem Polisi ia blong help setemap ol besik rul mo standet blong ol gudfala fasin we ol stekholda we i risponsibol long implimenteisen ia oli ekspektem.

A. Welfea blong pikinini

Evri pikinini i gat raet long wan sef, hapi laef we i nogat vaelens, abius, nogud tritmen mo eksploetesen blong help sefgadem visen blong olgeta blong oli kam ol helti big man/woman we oli save kontribut long sosol, ekonomik mo ovarol raning blong ol big famili mo komuniti. I mas gat ol speselaes sevis mo program blong meksua se i gat welfea blong ol disebol pikinini blong oli adresem mo gat proteksen insaed long evri oganaesesen long sosaeti.

B. Non-diskriminesen, inklusen, ekwal raet long proteksen

Nomata yumi luksave se evri pikinini i ekspos bigwan long ol vaelens, abius, eksploetesen mo nogud tritmen mo tu oli gat ekwal raet long saed blong proteksen, sam pikinini i nidim fokus atensen from se oli mekem se oli ekspos moa tru long disabiliti, no luksave olgeta, oli sem, displesmen, famili i seperet, i nogat famili kea, oli ol yang mama mo ol lokol fasin we i save mekem o putum pikinini long risk.

C. Serem risponsabiliti

Proteksen blong ol pikinini hemi wan kolektiv risponsabiliti we hemi blong evri memba blong sosaeti be spesieli nao olgeta we oli stap long ol posisen blong influensem mo mekem jenis long nasonal, provinsol mo komuniti level. Hemia i inkludim, spesieli: ol jioj institusen (anda long lidaship blong VCC), ol jif (anda long lidaship blong Malvatumauri Kaonsel blong ol Jif), ol gavman ministri (mo spesieli Edukeisen, Helt mo Jastis), ol non-gavman mo UN oganaesesen (NGO, komuniti lida mo oganaesesen mo media).

D. Bes intres blong Pikinini

Bes intres blong pikinini olem we i stap insaed long UNCRC, oli shud konsiderem long evri desisen we i afektem pikinini mo semtaem tu rikonaesem se bes intres blong pikinini i no

semak olsem ol bes intres blong famili mo komuniti eksept long ol situesen we ol desisen i putum pikinini long risk long ol nogud tritmen o nara nogud tritmen.

E. Influensing mo positiv rol blong jioj mo kastom fasin mo sistem.

Influensing mo positiv rol we sam jioj mo kastom fasin mo sistem i save gat long proteksen blong ol pikinini mo long ol long-tem developmen long Vanuatu, oli shud holem taet from se i rispektem ol gaeding prinsipol ia mo i inlaen wetem ol nasonal loa mo intenasonal obligeisen.

F. No mekem nogud tritmen

Establismen mo implimeteisen blong ol sistem, intevensen mo rispons blong protektem ol pikinini long Vanuatu i stap long wan fremwok blong 'No mekem nogud tritmen' long ol pikinini.

G. Gud mo stret patisipesen blong ol pikinini

Gud mo stret patisipesen blong ol pikinini inkludim ol pikinini we i ekspos moa olsem disabiliti, no tekem note long 'toktok long saed blong jael proteksen' mo developmen blong ol sistem hemi impoten blong meksua se oli gat sef mo i nid blong mekem gud mo fasilitetem long haos, komuniti mo nasonal level blong gat wan gud sosaeti.

H. Ol Jenda mo Paoa inekwaliti

From daerek link wetem domestik vaelens mo jael abius, implimeteisen blong Polisi ia i mas tekem ples folem ol efot blong adresem ol jenda mo paoa inekwaliti we i reinfosem lo stetes blong ol Ni-Vanuatu woman mo pikinini.

Wanem strateji blong tekem

Polisi i aedentifaem ol 8 strateji blong tekem we i nid blong strenghtenem ol jael proteksen sistem long Vanuatu:

SA1 *Mekem ol aweanes: Impruvum save mo andastaning blong jael proteksen long jenerol populesen.*

Mekem aweanes, impruvum save mo andastaning long saed blong jael proteksen hemi wan impoten step blong jenisim bihevia mo fasin.

Ol aktiviti long SA1 i blong developem wan nasonal jael proteksen aweanes strateji, karemaot wan beslaen asesmen long jael proteksen long Vanuatu mo implimentem eksisting Jael Onlaen Proteksen Aweanes Strateji.

SA2 *Stopem abius: Developmen blong privensen, eli aedentifikeisen mo eli intevensen strateji we oli gud mo stret long kontekst.*

From long-tem impak blong jael abius long developmen aotkam blong ol pikinini mo tu long sosol mo ekonomik aotkam blong ol komuniti, oli mas putum plante fokas long saed blong privensen, eli aedentifikeisen mo eli intevensen.

Ol aktiviti long SA2 hemi wan asesmen long saed blong ol komuniti privensem, eli aedentifikeisen mo intevensen strateji, developmen mo implimenteisen blong wan komuniti fasilitesen pakej long CP mo developmen mo riplikeisen long wan nasonal komuniti bes CP model.

SA3 *Ol oganaesesonol strakja: Developmen mo/o impruvmen blong ol oganaesesonol strakja long nasonal, provinsol mo komuniti level we i nid blong lukluk long hem mo mekem se i gat akaontabiliti long ovarol implimenteisen blong polisi ia.*

Oli mas developem ol oganaesesonol strakja long nasonal, provinsol mo komuniti level blong mekem se oli reguletem, moniterem mo mekem gud ol jael proteksen sevis, rispons mo program. Polisi wetem implimenteisen blong hem bae Jael Desk insaed long MJCS mo tu Nasonal Jael Proteksen Woking Grup (NCPWG), Provinsol Jael Proteksen Woking Grup (PCPWG) mo Komuniti Jael Proteksen Komuniti (CCPC) nao i lukluk long hem.

Ol aktiviti long SA3 bae hemi impruvmen blong NCPWG mo establismen blong ol PCPWG, establismen blong ol inta-ejensi kodineisen grup blong ol sevis provaeda (Helt, Polis, VWC) long nasonal mo provinsol level blong developem ol riferol mekanisim mo rejistresen blong evri CP akta wetem Jael Desk nomata ol MOU.

SA4 *Kodineisen mo difren fasin blong kea: Kodineted, kolaborativ, jenerol mo multi-disiplineri intevensen blong ol fomol mo non-fomol (kastom, jioj, komuniti) bodi blong meksua se i gat ol difren fasin blong kea long ol pikinini we oli ekspos moa.*

Gud kodineisen bitwin ol fomol mo infomol stekholda hemi impoten blong provaedem ol difren fasin blong kea tru long ol ripoting mo riferol mekanisim mo rikavari, rihabiliteisen mo reintegresen program. Ol jioj mo jif i gat wan bigfala netwok raon long Vanuatu mo oli gat potensol blong influensem bihevia mo fasin blong komuniti long saed blong jael proteksen. Ol pikinini i nidim tu blong oli givim long olgeta wan sef mo konfidensol aveniu blong talemaot mo

ripotem ol konsen aotsaed long komuniti mekanisim, tru wan fri, rilaebol mo akaontebol hotlaen blong ol pikinini.

Ol aktiviti long SA 4 hemi provinsol level kodineisen, impruvmen blong reintegresen blong ol sistem blong ol pikinini we oli viktim mo ol jael ofenda long daevesen program, engajmen wetem VCC mo ol nara jioj mo Malvatumauri long ol CP aktiviti, developmen blong wan sistem blong kolektem ol data blong jael proteksen long olgeta sevis provaeda mo wan sentralaes databes mo establismen blong wan fri hotlaen blong ol pikinini.

SA5 *Impruvmen blong ol standet blong gavman: Developmen mo impruvmen blong ol standet mo gaedlaen blong gavman long saed blong jael proteksen/wok wetem ol pikinini.*

Ol sevis provaeda mo ol narawan we oli dil wetem ol pikinini blong lukaotem olgeta, oli nid blong mekem hemia akensem ol standet blong gud fasin, ol gaedlaen mo prosija blong meksua se i gat sef, stret, efisien mo kondifensol muvmen blong ol pikinini we oli kam viktim o ofenda. Ol oganaesesen we ol staf, voluntia o nara ripresentetif i gat kontak wetem ol pikinini tru long jael proteksen o nara profesonol rol bae i nid blong oli developem ol intenol jael sefgading polisi, prosija mo sistem we i inkludim ol kod blong kondak mo wan mandatori rikwaemen blong ripotem long ol statutori bodi ol jael abius we i haed i stap, oli no talemoot o oli luksave. Jastis sistem i mas putum impotens long ol pikinini we oli viktim, ol witness mo ol ofenda. Ol standet mo gaedlaen i mas lukluk tu long ol fisikol infrastrukja blong ol pikinini we oli kam viktim, witnes o ofenda inkludim ol temporeri ples blong sefti mo ol fasiliti blong ol ofenda.

Ol aktiviti long SA5 hemi developmen blong wan jael-frenli judiseri sistem, ol intenol jael sefgading polisi blong evri oganaesesen we oli komitim olgeta long CP mo ol ministri/dipatmen blong gavman we oli dil wetem ol pikinini, blong meksua se i gat kwaliti blong ol alternativ kea program, developem ol jael-frenli koreksonol sevis, sapotem Polis SOP mo inkludim CP long ol jioj, edukeisen mo helt sekta.

SA6 *Ligol proteksen:Impruvmen blong Ligol Fremwok long saed blong Jael Proteksen*

Ol loa long kaontri i mas stopem evri fasin blong abius, eksploetesen, nogud tritmen mo vaelens akensem ol pikinini inkludim long haos. Ol loa we i tokbaot jael proteksen long Vanuatu hemi Konstitusen, Penal Kod, Kriminol Prosija Rul, Famili Proteksen Akt, Matrimonial Kos Akt mo Edukeisen Akt. Ol risej mo ol rivi long Loa we MJCS mo UNICEF i bin karemaat finis i faenemaot se i gat bigfala gap long loa long saed blong jael proteksen. Ol gap ia i mekem se ol pikinini i ekspos moa long vaelens, abius, eksploetesen mo nogud tritmen. I bin gat progres blong hamonaesem loa folem nomo ol obligeisen blong Gavman anda long ol intenasonal konvensen, be ol gap we i stap ia i nid blong lukluk long olgeta mo impruvum ol eksisting protektiv legislesen.

Ol aktiviti long SA6 hemi blong faenemaot ol gap bitwin eksisting legislesen mo ol intenasonal obligeisen, amendem ol loa blong komplae wetem UNCRC mo ol nara Konvensen mo Oponol Protokol we oli ratifaem mo lukluk bak long draf Jael Proteksen Bil we Loa Rifom Komisen i developem mo mekem rikomendeisen blong mekem i kam efektif.

SA7 *Ol skil profesonol: Impruvmen kapasiti blong ol gavman stekholda mo sevis provaeda we i involv long proteksen blong ol pikinini.*

I nogat ol profesonol standet long saed blong jael proteksen blong ol sevis provaeda long Vanuatu i inkludim polis, tija, jaj, loea, helt woka mo staf blong koreksonol senta.

I nogat ol subjek insaed long ol program blong Vanuatu College of Nurse Education, Vanuatu Institute of Teacher Education (VITE), o Institutes of Technology we i lukluk long sosol welfea mo jael proteksen. Be ol staf we oli nogat gudfala trening o ekspetis, oli nogat save long ol isiu o loa blong jael proteksen o oli save gat nara praeoriti nao oli mekem ol desisen long saed blong kea mo proteksen blong ol pikinini. Semak, blong divelopem wan nasonal jael proteksen sistem bae i nidim wan impoten mo ongoing proses blong strenghtenem ol institusen, proses mo mekanisim blong apgradem save mo skil blong evri sevis provaeda wetem ol stekholda blong gavman we hemi wan praeoriti.

Ol aktiviti long SA7 hemi blong divelopem wan strateji, badjet mo trening program blong impruvum ol skil mo save blong ol stekholda blong gavman mo ol sevis provaeda long saed blong jael proteksen long ples blong wok blong olgeta.

SA8 Inkludim jael proteksen long ol emejensi: Disasta risk ridaksen/pripeanes mo emejensi rispons we i konsenem ol bigfala abius, eksploetesen mo kil we ol pikinini i fesem long taem blong disasta.

Jael proteksen i impoten nomo long taem blong ol emejensi pripeanes, rispons mo rikavari. I nid blong strenghtenem, inkludim mo impruvum jael proteksen long ol DRR mo emejensi rispons inisietiv, inkludim patisipesen blong ol pikinini long planing mo implimenteisen mo wan strong engajmen wetem NDMO.

Ol aktiviti long SA8 hemi blong lukluk bak long MOU bitwin NDMO mo MJCS long saed blong jael proteksen long ol emejensi, aedentifaem ol eria we disasta i kasem olgeta mo trenem ol komuniti ia wetem ol skil long saed blong jael proteksen mo disasta pripeanes, engajmen blong ol pikinini long DRR planing long komuniti mo wok wetem NDMO mo olgeta we oli pat long sistem blong lobi from ol stratejik integresen blong konsiderem jael proteksen long evri sekta.

Implementeisen

Jael Proteksen hemi wan bigfala isiu we evri stekholda i mas lukluk long hem.

MJCS wetem sapot blong NCPWG bae i risponsibol long implimenteisen blong Polisi ia. Daarekta Jenerol bae hemi jerem NCPWG wetem wan ovarol risponsabiliti blong kodinetem implimenteisen blong polisi ia, patisipatori monitering, evaluesen mo ol rivi. NCPWG bae i stap tu olsem wan advaesori komiti blong Nasonal Komiti blong ol Pikinini (NCC) long ol isiu konsenem implimenteisen blong polisi mo ol divelopmen blong jael proteksen.

Polisi ia bae hemi operet tru long wan 10 yia Implimenteisen Plan we hemi provaedem wan fremwok blong ol aktiviti mo indikeita. Implimenteisen Plan ia bae oli lukluk bak long hem evri yia mo apdeitem gud.

Gavman i luksave se sapos i nogat ol stret risos, ol aktiviti we oli wandem anda long polisi ia bae hemi smol nomo. I mekem se gavman i komitim hem blong mekem sua se i gat stret risos we i stap blong implimentem ol aktiviti ia mo askem koperesen mo asistens blong ol divelopmen patna blong hem, ol NGO, ol Ministri we i dil wetem ol pikinini blong givim ekstra fanding mo askem evriwan blong wok tugeta blong mekem se Polisi ia i sakses.